

Téerëe bíníyú unna won Pool Tít dë Kúnsëe

Yee daa unna bíní Pool Tít dë. Di fi Tít, ñani Pool daa na húmú boku légéyíri Koope. Di húmú géerté habra'i Pool lool bee laha' Pool tolof-tolof a bëy Korente ra (Saame 2 Korente 12.18). Na bíní Pool Tít unni yee ra nék, ðeef ði fi Tít ín Keret na habra' bëy ílí jaŋaa ðee nay waa tilée rë (1.5).

Filib unna ñal, Pool líkinté Tít biti ði lah fayda níi ow ñan ðii heef (2.7-8, 15). Tít wadti yëeddë bëy ílí jaŋii Keret ðee ñeya' Koope Ruuh-Pesëŋ a Yéésú-Kiristaa sëmlë'té yen bakaadfi yen ra (2.4-6 ; 4.6-8). Di nahte ri woni bëewë di nay sehúu ayi Kiristaa (2.11-13).

Pool wonte ri :

- yii lenke di wadti man njiit jaŋi (1.5-9),
- yii lenke yëeddëh yí paɗɗah ya (1.10-16),
- yii lenke líkíní ñaha ya a bitiffa (2.2-3),
- yii lenke líkíní wahambaane ya a jéegí teɓ-teba (2.4-8),
- a yii lenke líkíní bëewë habu ñaam ra (2.9-10).

Bëyi fí jaŋi téeríi bee bëeɓ ay ot biti ow fi ow bëeɓ wadtee súugëh íñi bossi ëldúnë, ði pes pesad has Kiristaa na.

Wodohi Pool Tít

¹⁻⁴ Do fi Tít, ðo fa haba' mi koy so' kah-kah filib ngémë boku yen ða, so' mi Pool, so' mi

súrgíi Koope a apootari Yéésú-Kiristaa, daa mi na wodoh ro. Mi nahu habra'i bëewë Koope tanis wa ra wa ham ngémë, mi teeb wa kaaf ka, kaaf ka ñéerë' a pesadi bëewí pokuute Koope na. Hen daa raa, ay waa wëer biti wa ay haal pesa na dúméh, gapa' Koope deef ëldúnë sakuy doom ra, dī fa na woneh yīi lahay ra. Laha' wahtaa faha' ri ra, dī fi Koope Sëmlëhí yen teeba'te yīi lenke pesi baa fliḅ Unee ke ri túuy dī sè' waare ra. Kon book Tít, Baap-Koo a Yéésú-Kiristaa Sëmlëhí yen līhún dē mal, on dō jaamma !

Dee wadti man njūt jaŋi ra

⁵ So' nék, fu ot mi hel ro Keret, faha'i biti fu lúsíḉ yee hómú tas légéyé rè níi ñña béeb tīkēh waal, te gin fi gin béeb fu fal na i njūt jaŋi ti di naha' mi ro ri nen. ⁶ Njūt jaŋi nék, wadti hena bëyí lahay yīi wonun sun fi, teem belebi na kut, koyya yahun bëewí gémúté Kiristaa*, ow ñan waa haba' walaŋkaane, wa hen bëewí koruute. ⁷ Njūt jaŋi daa na tooppitoh yīi lenke ññi Koope, daa tah dī wadti hen bëyí lahay yīi wonun sun fi. Di waray hen bëyí gaan-gaanla' gaan-gaanloo, waray hen bëyí keeña wuneh, waray hen bëyí han kep daa afa, waray hen bëyí faha'te haa', waray hen bëyí paga' yīi waray, saame na alal. ⁸ Di wadti hena bëyí mínté haneel, faha' yin wun, dī hen bëyí teeyte, júbpé, dī hen bëyí lante te mín ham afi. ⁹ Di wadti hena ñal bëyí pokohte híin Una mit lekoh ra ti di yēeddúu rí nen. Hen daa raa, dī ay mín yēedíḉ bëewí kayya kaah,

* **1:6** 1.6 bëewí gémúté Kiristaa :Lahte bëewí habuu ri deh : bëewí mitute lekoh.

dí on wa doole, teeḅ bēewē na haa'uu ri iña na yēeddē' rí rē bití wa homuy kaah.

Yēeddēh yí padḅah ya

¹⁰ Caakute bēewí fí yúhté bití faaliyuuy yíi na wonu wa, níi luka' yēwúḅḅē haalu ngémē rē, wa anti homuu daaha nofee bēewē a wonni lahay njiriñña waa na. ¹¹ Lah feheye níi wa nís wonni yaa búkkí wē, ndah wa powute faam caak. Wa yēeddúu iñi yēḅké bití waray, wa saame na alal. ¹² Húmú lahte bēyí dék Keret, bi bēy gin wa húmú habuu ri yonente. Bēyí baa húmú won tih : « Bēy Keret mēsúu hen i feloh, wa bēewí bosute ti rabba luufa nen, wa bēewí ḁapasute te kamute », ¹³ te yee won dí baa ra kaah. Yíi baa daa tah lah wonee bēewē nē a unni diḅke nda wa lah ngémí híinté. ¹⁴ Wa ḅanuy síkírēh yēwúḅḅē na wonu wonni saku sako ra, wa ḅanuy ñee iña na túuyú wē bēewí súgúuté kaaf ka. ¹⁵ Bēewí ladute, yin na sobeyeh waa na. Bēewí laduy nék, yee gémúy rē, iña bēeḅ sobeya' sobeyoo waa na ndah níḅbí wē na ladeh, wa na lēhíh jom. ¹⁶ Wa digiruu bití wa yúhú Koope, te pagadḅí wa teeḅa'te bití wa wonuy yin díi na. Wa bēewí bosute bosí woneeh, faaliyuuy yíi na wonu wa te wa míníh paḅ dara yíi wunte.

2

Di wadti man bēyí gémpé

¹ Do fi Tít nék, lah yēeddē bēewē iñi ñéerē' kaah. ² Lah wone baaha ya bití wa hen bēewí teeyute, bēewí mitu yed' cér, bēewí mínú ham

affi wa, wa ham ngémë híin, wa faha' ow, wa mín múñ.

³ Ti daaha nen, wone bitiffa biti wa pes pesi neba'te Koope, wa banti won bos sun ow, wa banti hen bëewí han kep daa affi wa te wa yëeddée yin wun. ⁴ Wa yëeddún jéegí teβ-teba faha'i yaalli wa a koyyi wa, ⁵ wa won wa mín ham affi wa, wa lan íllí Koope, wa tooppitoh faammi wa, wa baah, wa on yaalli wa cér. Hen daa raa, bos ii wonu sun fi Un Koope.

⁶ Ti daaha nen bal, lah wone wahambaane ya biti wa hen bëewí mínú ham affi wa. ⁷ Do fi baa nék, lah page yin wun di yii mín díi hen béeb ndín, bëewë yeele doo na wa ñee kottu. Fu yahti yëeddë' rëe, lah núhée rí keeñu ñeerë' a fayda, ⁸ fu ñee kaaf ka toŋ nda ow laheh dara yii wona ri na. Hen daa raa, kaa'oh yi yen ii mín won bos sun fi yen. Tígí daaha, wa ay sopoh.

⁹ Lah wone bëewë habu ñaam ra bal biti wa on kélfë yí wë cér di yii mín díi hen béeb. Wa paŋ yee neba' wa ra, banti capa' a wa ¹⁰ mbée lohre wa. Wa henun bëewí mitute lekoh faraah. Hen daa raa, wa ay tah bëewë on iña na yëeddúu yen sun fi Koope, dí fi Sëmlëhí yen da cér.

Di tosa' yen Yéesú

¹¹ Di fi Koope teebpe bëewë biti onte wa mal. Mali baa daa kúnsíd wë béeb íl múcée, ¹² yëedífté yen yeris kaañ Koope a súugèh iñi èldúnë, te yen pesa' èldúnée woteh a júβ, pokoh Koope na, yen ham affi yen, ¹³ yen sehaaloh bisa yaakaaru yen, nay sosle keeñni yen da. Bisi baa daa bisa nay aye Yéesú-Kiristaa a ndam ra, dí fa daa Koope fi gaana lahuu yen na sëmlë' yen da.

¹⁴ Di yera'te ñíiní tosi yen tooññi yen béeb a ladli yen, yen hen bëewí sah-sah, bëewí saamuun paŋ yin wun kep.

¹⁵ Iña wad' fuu yeedíɗ bëy ílɩ jaŋaa ra, daa wa yah. Lah wonee wa a sañ-sañi mitte, fu on bëewë në síkírúu rë rë doole, fu won affi yee kaa'uu síkírëhú rë. Ow banay roo heef !

3

Yee wad' bëyi gémpé rë

¹ Lah nérsé bëewë biti wa warutee on njíittí gina cér a bëewë homru nguur ka ra, wa ñee iña na wonu wa ra, wa caŋ paŋ yii hente wun béeb. ² Wa henun bëewí në wëníh bos sun ow a bëewí në íñíih. Wa henun bëewí sosute níi sos, wa lah jaamma a bëewë béeb. ³ Yee tah mi won doo yii baa ra bitih : filoon, yeni wa béeb húmú lahuy af. Yen húmú kaa'uute ñee yee won Koope ra, yen húmú bëewí múuyú múuyë. Fah-neb a pagad' bos húmú hampe yen ñaam, yen na tasuu pesa' bos nuf a iñaan. Ow húmú fahaay yen tík íl te yen húmú fahuuy tíkëntë' íl. ⁴ Ndaa, teeba' Koope fa daa Sëmlëhí yen naa'i keeñi a dee faha' ri bëewë rë, ⁵ dī sëmlë'té yen. Biti yen pagu yii júbpé neh daa tah dī sëmlë' yen ; dī yérém yen yérmë. Di hosse keeññi yen sëmlë'té yen. Di ñeya' doolii Ruuh-Pesëŋ yen límëetúté, yen lahute pes has. ⁶ Di ñeya'te Yéesú-Kiristaa Sëmlëhí yen na, lífidté yen a Ruuhi baaha. ⁷ Daaha, on-Koo tahte dī haba'te yen bëewí júbúté nda yen hen bëewí ay haal pesa na dúmëh, na yaakaaru yen dfa.

⁸ Woni wëerté abah, te mi faha'te biti fu baat naa wone nda bëewë gémú Koope ra béeb pokoh paŋ yin wun. Baa daa yee wun te lahid bëewë béeb njiriñ ra. ⁹ Ndaa nék, lah moytee capa' pëtíh, cabi tii yi caacci mínéh dúm, íñë' a taasanta' di yii lenke Kootaa. Yaa béeb wonni lahay af a lúk te lahay njiriñ. ¹⁰ Lah bëyí fí yéŋké biti hom d'aralsa' bëewë d'aralsoo raa, lah dëeké rí fu won d'ii na. Di kaa' síkírèhú rëe, fú dëekëet dí fú wonaat d'ii na. Di kaa' síkírèhú waali ana fa raa nék, lah d'uhé d'ii na níi lan, ¹¹ te fu yúh biti bëyí baa helte waala wun da te bakaadfi teeba'te biti daan wadte ri, te daa ri koma' ri afi.

Unna mülle' líkín Pool Tít dë

¹² So' nék, may roo wola' Artemaas mbée Tísík. Ow di waa na ac d'aa, lah yípée ac fu d'eef so' Nikopolis, may líyée nè. ¹³ Lah page yii mín fú béeb sun fi baaba na suu Senaas fi layoha a Apolos ra, fu waayid wa níi íñi wa béeb mit. ¹⁴ Koy-yaayya filib ngémë bal warutee pokoh paŋ yin wun nda wa lah njiriñ, wa dímlë' bëewë homu coono ra.

¹⁵ Bëewë funi wa homu dee ra béeb na woduu ro. Lah wodee kooyee ke yen filib ngémë. Koope líhë rën mal béeb !

Séréel Ndút: Unni Koope

Ndut: Séréel Ndút: Unni Koope (New Testament+)

copyright © 2020 Wycliffe Bible Translators, Inc.

Language: (Ndut)

Contributor: Wycliffe Bible Translators, Inc.

All rights reserved.

2020-11-20

PDF generated using Haiola and XeLaTeX on 21 Feb 2024 from source files dated 29 Jan 2022

a3a1238b-9393-5875-a4c5-1d3f38537bfe